



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Նալբանդյան 130 հեռ. 59-65-94

N 2/2-1-3161

<< 03 >> 12 2014թ.

Ձեր 31.10.2014թ. թիվ 2621/1484 գր.

«Ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ՝

տիկին Հ. Սահակյանին

Հարգելի տիկին Սահակյան

Հայտնվում է, որ դիտորդների խմբի կողմից ս/թ հոկտեմբերի 26-ին «Ոստիկանության Լոռու մարզային վարչության Տարոնի բաժնի ձերբակալվածներին պահելու վայր կատարած այցելության ընթացքում արձանագրված հանգամանքներն ուսումնասիրվել են «Ոստիկանության շտաբում, իսկ Լոռու մարզային վարչությունում կատարվել է ծառայողական քննություն:

«Ոստիկանության Լոռու մարզային վարչության կողմից կատարված ծառայողական քննության արդյունքում տրամադրված տեղեկատվության համաձայն տրվում են հետևյալ մեկնաբանությունները:

«Ոստիկանության Լոռու մարզային վարչության Վանաձոր քաղաքի Բազումի բաժնում քաղաքացի Զ.Խաչատրյանի հաղորդման հիման վրա նախապատրաստվող նյութերի անհրաժեշտությունից ելնելով՝ 25.10.2014թ. ժամը 02:40-ին ոստիկանության ծառայողները հասցեից ոստիկանության Տարոնի բաժնի վարչական շենքում տեղակայված «ՀԿ Լոռու մարզի քննչական վարչություն բերման են ենթարկել Արմեն Թամարյանին, որի հետ պարզաբանումներ կատարելուց հետո վերջինիս տեղափոխել են ոստիկանության Բազումի բաժնի և անհրաժեշտ գործողություններ կատարելուց հետո, նյութերի հետ միասին դարձյալ ներկայացրել են վերոնշյալ քննչական վարչություն: 2014թ. հոկտեմբերի 25-ին ժամը 04:45-ին «Քրեական օրենսգրքի 137-րդ հոդվածի 1-ին մասի հատկանիշներով հարուցված քրեական գործի շրջանակներում Ա.Թամարյանը ձերբակալվել և ժամը 05.10-ին ընդունվել է «Ոստիկանության Լոռու մարզային վարչության Տարոնի բաժնի հերթապահ մասի ՁՊՎ:

1. Ա.Թամարյանը ոստիկանության Տարոնի բաժնի հերթապահ մասի ՁՊՎ է ընդունվել 25.10.2014թ. ժամը 05.10-ին, ում մարմնի արտաքին զննությամբ հայտնաբերվել են մարմնական վնասվածքներ, ինչի կապակցությամբ հրավիրվել է շտապօգնության խումբ և իրազեկում է տրվել վարույթն իրականացնող մարմնին: 25.10.2014թ. ժամը 10.28-ին Ա.Թամարյանը

գանգատվել է իր առողջական վիճակից, որի կապակցությամբ հրավիրվել է շտապօգնության խումբ: Խմբի կողմից ցուցաբերվել է համապատասխան բուժօգնություն, միաժամանակ խորհուրդ է տրվել նյարդաբանի կոնսուլտացիա: Նույն օրը ժամը 15.50-ին Ա.Թամարյանը կրկին գանգատվել է առողջական վիճակից, սակայն հրաժարվել է հրավիրված շտապօգնության խմբի բուժօգնությունից՝ հայտնելով, որ հոգեկան հիվանդ է, կարիք ունի հոգեմետ դեղերի, որոնք հիվանդության վերաբերյալ փաստաթղթերի հետ միասին գտնվում են իր մոր՝ Անահիտ Թամարյանի մոտ: Այդ կապակցությամբ ՁՊՎ վարչակազմը գանգահարել է Անահիտ Թամարյանին, ով հայտնել է, որ չգիտի, թե ինչ փաստաթղթերի և դեղերի մասին է խոսքը: Բացի այդ հրավիրված բժիշկ Մարկոսյանը խորհուրդ է տվել հոգեբույժի կոնսուլտացիա: Ա.Թամարյանին հետազոտելու նպատակով համապատասխան գրություն է ուղարկվել Լոռու մարզի նյարդահոգեբանական դիսպանսեր, որի գլխավոր բժիշկ Գ.Քալանթարյանը հեռախոսով հայտնել է, որ Ա.Թամարյանը իրենց մոտ հաշվառված չէ, իսկ հետազոտման համար մասնագետներ կարող է տրամադրել միայն առաջիկա աշխատանքային օրը՝ հոկտեմբերի 27-ին: 26.10.2014թ. ձերբակալված Ա.Թամարյանը կրկին գանգատվել է իր առողջական վիճակից և հերթական անգամ հրաժարվել է հրավիրված շտապօգնության խմբի օգնությունից՝ պահանջելով հոգեմետ դեղեր: Նույն օրը ժամը 14.10-ին ՁՊՎ վարչակազմի ջանքերի շնորհիվ Լոռու մարզի նյարդահոգեբանական դիսպանսերից հրավիրվել է հոգեբույժ, որը զննել է ձերբակալված Ա.Թամարյանին՝ նշելով, որ ախտորոշման համար անհրաժեշտ է ստացիոնար հետազոտում և նշանակել է «Կարտամազեպին»-ի դեղահաբեր, ինչի մասին տեղյակ է պահվել վարույթն իրականացնող մարմնին: Ա.Թամարյանը 26.10.2014թ. ժամը 19.00-ին տեղափոխվել է ՀՀ ԱՆ «Վանաձոր» ՔԿՀ:

2. ՁՊՎ-ում գտնվելու ողջ ժամանակահատվածում Ա.Թամարյանի բերանից արյուն չի հոսել և նա այդ մասին գանգատներ չի ներկայացրել ոչ հրավիրված շտապօգնության խմբերին և ոչ էլ ՁՊՎ-ի վարչակազմին: Ծառայողական քննության արդյունքում պարզվել է, որ դիտորդների խմբի այցելության պահին Ա.Թամարյանը սրբիչը քսել է իր հոնքի շրջանում նախկինում եղած վերքին, արյունոտել և դիտորդների խմբին ցույց է տվել, թե իբրև բերանից արյուն է հոսել:

3. Ձերբակալված Ա.Թամարյանին հանրային պաշտպան տրամադրելու հարցը ոստիկանության իրավասությունից դուրս է, քանի որ այդ գործառույթն իրականացնում է վարույթն իրականացնող մարմինը: Ինչ վերաբերվում է ոստիկանության ծառայողների կողմից նրան ծեծի ենթարկելու փաստին, ապա ՀՀ հատուկ քննչական ծառայությունում հարուցվել է քրեական գործ, որտեղ վերջնական պարզաբանումներ կտրվեն բոլոր նմանատիպ հարցերին:

4. Դիտորդների խմբի կողմից կատարված հեռախոսազանգին ոստիկանության Տարոնի բաժնի հերթապահ մասի պետը պատասխանել է, որ ձերբակալված Ա.Թամարյանին ծեծի ենթարկելու փաստը սահմանված կարգով գրանցվել է, նրան ցուցաբերվել է համապատասխան բուժօգնություն, իսկ կարգավիճակի մասին պատասխանել է, որ քննիչը փաստաթղթերը տարել է դատարան, որից հետո դատարան կտեղափոխվի նաև Ա.Թամարյանը:

5. Ձերբակալվածին ուղեկցելու հայտը Լոռու մարզի դատախազի կողմից հասցեագրված է եղել ինչպես ՀՀ ոստիկանության Լոռու մարզային վարչության պետին, այնպես էլ ոստիկանության Տարոնի բաժնի պետին և ուղեկցող ծառայողներին ընտրելու հարցը որոշվել է բաժնի ղեկավարության կողմից: Ա.Թամարյանին դատարան ուղեկցելու մասին Լոռու մարզի դատախազության գրության առաջին օրինակը ոստիկանության Տարոնի բաժնի պետի կողմից մակագրված վիճակում գտնվել է հերթապահ մասում, դիտորդների խումբը տեսել է երկրորդ օրինակը, որի վրա պետք է նշում կատարվեր առաջին օրինակը ստանալու մասին: Հերթապահ մասի պետը հերթապահ մասի տարածքը չի լքել, այլ վարչական տարածքից դուրս գալով՝ հերթապահին ասել է, որ դիտորդների խմբին ներկայացնի ուղեկցման գրությունը: ՁՊՎ-ի

վարչակազմը ղեկավարվելով <<Ձերբակալված և կալանավորված անձանց պահելու մասին>> ՀՀ օրենքի 30-րդ հոդվածի 1-ին մասի, ՀՀ կառավարության 05.06.2008թ. թիվ 574-Ն և 02.04.2009թ. թիվ 354-Ն որոշումներով հաստատված <<<Նստիկանության համակարգում գործող ձերբակալվածներին պահելու վայրերի ներքին կանոնակարգ>>-ի 174-րդ կետի և <<Ձերբակալված և կալանավորված անձանց ՀՀ կառավարությանն առընթեր ՀՀ նստիկանության կողմից ուղեկցման և պահպանման կարգը հաստատելու մասին>> կարգի 46-րդ կետի պահանջներով՝ Ա.Թամարյանին ներկայացրել է ուղեկցողներին:

6. Ա.Թամարյանի հագուստի և անձնական իրերի անվանացուցակի վերաբերյալ արձանագրության մեջ ամիս-ամսաթվի բացակայությունը բացթողում է ՁՊՎ-ի վարչակազմի կողմից, որի համար ՁՊՎ-ի նստիկանը խիստ նախազգուշացվել է, թեև այդ հանգամանքը բացասաբար չի անդրադարձել ձերբակալվածի իրավունքների և ազատությունների վրա:

7. Ձերբակալված Ա.Թամարյանին 25.10.2014թ. երկու անգամ՝ ժամը 10.28-ին և 15.30-ին ցուցաբերվել է բուժօգնություն, որի վերաբերյալ բժիշկները համապատասխան գրառումներ են կատարել <<Ձերբակալված անձանց բուժօգնության կամ բուժօգնության>> գրանցամատյանում, սակայն ՁՊՎ նստիկանը <<Ձերբակալվածներին խցերից դուրս բերելու>> գրանցամատյանում միայն մեկի վերաբերյալ է կատարել գրառում՝ բացատրելով, որ 25.10.2014թ. առավոտյան ՁՊՎ-ում եղել են երկու ձերբակալվածներ, Ա.Թամարյանը անընդհատ իրեն կանչել է խցի դռան մոտ, աղմկել, տվել անհեթեթ հարցեր, մյուսին էլ նույն ժամին ուղարկել է դատարան և ծանրաբեռնվածության պատճառով մոռացել է կատարել գրառում: Այդ կապակցությամբ ՁՊՎ նստիկանը խիստ նախազգուշացվել է:

8. 26.10.2014թ. հեռախոսազանգի իրավունքից օգտվելու համար Ա.Թամարյանին խցից դուրս բերելու ժամը ՁՊՎ նստիկանը գրառել է ժամը 12.30-ը՝ նայելով իր բջջային հեռախոսի ֆիքսած ժամին, որը եղել է սխալ՝ մեկ ժամ հետ: Գրանցամատյանում գրառում կատարելու ժամանակ անհետևողականություն ցուցաբերելու համար ՁՊՎ նստիկանը խիստ նախազգուշացվել է:

Ա.Թամարյանին փաստաբան չտրամադրելու և նրան նստիկանության ծառայողների կողմից ծեծի ենթարկելու հարցերի շուրջ պարզաբանումներ ստանալու համար առաջարկվում է դիմել համապատասխանաբար ՀՀ ՔԿ Լոռու մարզային քննչական վարչություն և ՀՀ հատուկ քննչական ծառայություն:

ՀՀ նստիկանության շտաբ